

Dis d'acziun grischuns per la sanadad psichica

■ (cp) En cooperaziun cun ils servetschs psychiatrics dal Grischun realisescha l'Uffizi da sanadad dal Grischun dals 2 fin ils 10 d'october 2014 ils dis d'acziun grischuns cun il titel «La sanadad psichica pertutga nus tuts!». Passa 30 occurrenz vegnan organisadas ensemen cun differentas instituziuns en tut il chantun per l'entira populaziun. Malsognas psichicas èn – tenor l'organisaziun mundiala da la sanadad (WHO) – las malsognas las pli frequentas in summa. En Svizra è mintga segunda persuna pertutgada en il decurs da sia vita d'ina malsogna psichica che stuess vegnir tractada. Malsognas psichicas datti en tut las vegliadetgnas, ed ellas èn schizunt derasadas tar uffants e giuvenils. Cun ils dis d'acziun «La sanadad psichica pertutga nus tuts!» ademplescha l'Uffizi da sanadad dal Grischun l'incarica da prestaziun da realisar mesiras intercommunalas a favur da la promoziun da la sanadad e da la pre-

venziun. La finamira è quella ch'ils umans sa scuntran e ch'i dettia in barat tranter persunas spezialisadas, persunas pertutgadas, confamigliars e persunas interessadas.

Duas occurrenzas principalas

Il neuropsicolog renomà prof. dr. *Lutz Jäncke* avra gievgia, ils 2 d'october 2014 a las 18.00 ils dis d'acziun cun in referat davart il tema «10 pass a la sanadad psichica» en il center da furmaziun per la sanadad ed ils fatgs socials CSS a Cuira. Venderdi, ils 10 d'october 2014, al Di internaziunal da la sanadad psichica, maina il cusseglier guvernativ *Christian Rathgeb* a partir da las 16.30 en la clinica Waldhaus a Cuira tras la nova via tematica «10 pass a la sanadad psichica». Suerter referescha la psicoterapeuta *Gaby Rudolf*, che ha sezza gi experientschas cun psicosis, davart il tema «Restar sin via – recovery sco process per vita duranta». Il punct culminant e final è l'avertura

da l'exposiziun «Il refugi da Michael Pankoks». L'exposiziun è en visita tar ils servetschs psychiatrics dal Grischun fin ils 11 da schaner 2015 perquai ch'il museum d'art dal Grischun vegn actualmain engrondi.

Occurrenzas localas en il chantun

«La sanadad psichica pertutga nus tuts!» è in element da la campagna da sanadad «grischun en moviment» da l'Uffizi da sanadad dal Grischun. Partenaris dals dis d'acziun èn ils servetschs psychiatrics dal Grischun. Las occurrenzas vegnan organisadas da differentas instituziuns che s'engaschan per la sanadad psichica en il chantun. En il rom da las passa 30 occurrenzas localas vegn promovì il barat tranter persunas spezialisadas, persunas pertutgadas, confamigliars e persunas interessadas. La populaziun po s'infurmar detagliadamain davart las occurrenzas sin www.grischun-enmoviment.ch.



Da san.: Christian Rathgeb, schef dal Departament da justia, segirtad e sanadad dal Grischun, Denise Rudin, manadra da la partiziun «Promoziun da la sanadad e prevenziun» e Josef Müller, directur «Servetschs psychiatrics dal Grischun».